

## Tabell 3-k

### Anslag på frie inntekter i 2020 for kommunane

Tabell 3 viser anslag på vekst i frie inntekter for kommunane frå 2019 til 2020. Som frie inntekter reknar ein skatt på inntekt og formue (inkl. naturressursskatt) og rammetilskot. Tabellen viser veksten etter anslag på rekneskap for 2019. Alle tala er i nominelle kroner. Prisveksten i kommunesektoren i 2019–2020 er anslått til 3,1 pst.

I skatteanslaget er anslag på skatteutjamning inkludert. Skatteinntektene, inkl. skatteutjamning, er den storleiken det er knytt mest uvisse til i veksten i frie inntekter. Samla skatteinntekter for kommunane i 2019 og 2020 blir anslått av Finansdepartementet i Statsbudsjettet 2020. For å anslå skatteinntektene for kvar kommune tek ein utgangspunkt i skatt per innbyggjar i kommunen i 2018, framskrive med innbyggjartalet i 2019. Ut ifrå skatt i 2018 framskriven med innbyggjartal for 2019, blir det rekna ut kva del som kvar kommune får av berekna samla skatt. Den delen blir vidare nytta til å fordele samla skatteanslag på inntekt og formue mellom kommunane både for 2019 og 2020. Dette trekkjer i retning av at kommunar som har høgare vekst i talet på innbyggjarar enn landsgjennomsnittet frå 2019 til 2020, får høgare vekst i skatteinntektene enn det som fylgjer av føresetnadene for berekninga. Det motsette vil kunne vere tilfellet for kommunar med svakare vekst i talet på innbyggjarar enn gjennomsnittet for landet. Skatteutjamninga for 2020 tek óg utgangspunkt i innbyggjartalet per 1. januar 2019.

Anslag på skatteutjamning er inkludert i skatteanslaget. For 2019 og 2020 er utjamninga i skatteinntektene for kommunane 60 prosent. Kommunar med skatteinntekter under 90 pst. av landsgjennomsnittet får ein tilleggskompensasjon som blir finansiert av alle kommunar med eit likt trekk per innbyggjar. I utrekninga blir naturressursskatten halden konstant, med tal frå inntektsåret 2017.

Tala for rammetilskot 2019 er henta frå Revidert nasjonalbudsjett 2019.

Veksten i frie inntekter frå 2019 til 2020 blir berekna frå anslag på rekneskap for 2019 i Statsbudsjettet 2020. Skatteinntektene for kommunane i 2020 er anslått til 187,6 mrd. kroner, inkludert både skatt på inntekt og formue, naturressursskatt og eigedomsskatt o.a. For kommunane er veksten i frie inntekter frå 2019 til 2020, ut ifrå anslag på rekneskap, nominelt 2,2 pst. Dette anslaget inkluderer ei oppjustering av skatteanslaget (inkl. eigedomsskatt) for kommunane for 2019 med 4,230 mrd. kroner samanlikna med anslaget i Revidert nasjonalbudsjett 2019. I tabell 3-k er eigedomsskatt o.a. ikkje inkludert for kvar einskilde kommune og summert for fylke, men inngår berre på landsnivå.

Rammetilskotet for 2020 er vist i tabell 1-k. Dei kommunevise anslaga på frie inntekter i 2019 og 2020 inkluderer ikkje ufordelte skjønsmidlar. Ufordelte skjønsmidlar kjem fram i tabell 3-k for alle fylke. Den berekna veksten på fylkesnivå inkluderer difor nivåa på ufordelte skjønsmidlar i 2019 og 2020, medan dette ikkje er tilfelle på kommunenivå.

For å gjere tala samanliknbare blir frie inntekter for 2019 korrigererte for eventuelle oppgáveendringar, regelendringar, innlemmingar av øyremerkte tilskot og

grenseendringar i 2020. I 2020 er summen av desse endringane 1 729,5 mill. kroner. Korreksjonane i 2020 er viste i innleiinga til Grønt hefte. Korreksjonar på kommunenivå er i hovudsak gjort etter kostnadsnøkkelen. For forsøk med statleg finansiering av omsorgstenesta og overføring av AC Møller skule er korreksjonane berekna på grunnlag av fordelinga i tabell C i 2020. For forsøk med ny oppgåve- og ansvarsdeling i barnevernet er korreksjonen lagt på nye Asker (Røyken går ut av forsøket).

For at grenseendringar ikkje skal påverke anslag på vekst blir det korrigert for innbyggjartilskot 2019 knytt til innbyggjarar som inngår i grenseendringane. Korreksjonen for kommunar med grenseendringar er lik tal på innbyggjarar som inngår i grenseendringa, multiplisert med gjennomsnittleg innbyggjartilskot i 2019. I 2019 var innbyggjartilskotet før omfordeling 24 710 kroner per innbyggjar. Det er nytta innbyggjartal per 1.1.2019.

På kommunenivå er det òg gjort korreksjonar for endra fordeling mellom kommunane for helsestasjons-/skulehelsetenesta og frivilligsentralar. For frivilligsentralar er det teke utgangspunkt i omfordelinga innanfor innlemma beløp frå 2017. Satsingar innanfor veksten i frie inntekter utover dette er det ikkje korrigert for.

Kommunar som blir delte i 2020: Anslaget på veksten for Narvik, Hamarøy, Heim, Hitra og Orkland er basert på eit beste anslag. Tidlegare Tysfjord kommune og Snillfjord kommune blir delt opp ved samanslåing. For å rekne anslag på vekst er rammetilskot for 2019 fordelt etter del innbyggjarar som inngår i dei nye kommunane. Det er nytta innbyggjartal per 1.1.2019. Regionsentertilskot for Tysfjord og Snillfjord i 2019 er fordelt til høvesvis nye Narvik og nye Orkland. Naturressursskatt for Tysfjord for 2017 er fordelt til nye Hamarøy.

Det er òg ein viss usikkerhet i vekstanslaget for kommunane som inngår i forsøk med statleg finansiering av omsorgstenestene i 2019 og 2020.

### **Kolonne 1 – Anslag på frie inntekter i 2019**

Kolonne 1 viser anslag på rekneskap for frie inntekter i 2019. Anslag på rammetilskotet til kommunane, eksklusive skatteutjamning, er henta frå Revidert nasjonalbudsjett 2019. Skatteinntektene er framskrivne i samsvar med skatteanslaget for 2019 i Statsbudsjettet 2020, med lik vekst for alle kommunar og innbyggjartal per 1.1.2019. Dette anslaget inkluderer ei oppjustering av skatteanslaget for 2019 med 4,230 mrd. kroner.

### **Kolonne 2 – Anslag på oppgåvekorrigerede frie inntekter i 2019**

Frie inntekter i kolonne 2 er anslag på rekneskap korrigert for oppgåveendringar, regelendringar og innlemming av øymerkte tilskot. Det er teke utgangspunkt i det same anslaget som i kolonne 1. Oppgåveendringane det er korrigerede for er omtalt nærare i tabell B-k og C-k.

### **Kolonne 3 – Anslag på frie inntekter i 2020**

Kolonne 3 viser anslag på frie inntekter i 2020. Anslag på rammetilskotet til kommunane, eksklusive skatteutjamning, er henta frå kolonne 8 i tabell 1-k. Ved berekninga av anslaget på skatteinntektene til kommunane, har departementet teke

utgangspunkt i kommunane sine skatteinntekter i 2018. Desse er framskrivne i samsvar med skatteanslaget for 2019 og 2020 i Statsbudsjettet 2020 og innbyggjartal per 1.1.2019. Skatteanslaget for kvar kommune er deretter lagt til grunn for utrekninga av skatteutjamninga.

#### **Kolonne 4 – Anslag på korrigert vekst frå 2019 til 2020**

Kolonne 4 viser anslag på oppgåvekorrigert vekst i frie inntekter frå anslag på rekneskap 2019 til 2020 for kvar kommune i 1 000 kroner (kol. 3 – kol. 2).

#### **Kolonne 5 – Anslag på korrigert vekst i prosent frå 2019 til 2020**

Kolonne 5 viser prosentvis oppgåvekorrigert vekst frå anslag på rekneskap 2019 til 2020.